



Broj: 05.3.34-2162-1/23
Sarajevo, 04.04.2023. godine.

KANTON SARAJEVO
11-04-2023

BOSNA I HERCEGOVINA
FEDERACIJA BOSNE I HERCEGOVINE
SKUPŠTINA KANTONA SARAJEVO
Reisa Džemaludina Čauševića 1
71 000 Sarajevo
N/r. PREDSEDAVAJUĆEM SKUPŠTINE KANTONA SARAJEVO
Elvedin Okerić

PREDMET: Odgovor na zastupničko pitanje zastupnice Prim dr Smiljane Viteškić na pitanje pojave zoonoza (Q groznice i Brucelloze) u Kantonu Sarajevo u 2022. i 2023. godini

Poštovani,

U vezi Vašeg Dopisa o zastupničkom pitanju zastupnice prim.dr Smiljane Viteškić na pitanje pojave zoonoze (Q groznice i Brucelloze) u Kantonu Sarajevo u 2022. i 2023. godini br. 01-04-7728-13/23 od 24.03.2023. koji je JU Zavod za javno zdravstvo Kantona Sarajevo na Protokol zaprimio 31.03.2023.. (br.protokola: 05.3.34-2162/23), dostavljamo Vam Odgovor.

Na osnovu službenih Prijava oboljenja – smrti od zarazne bolesti koje se prijavljuju u skladu s Zakonom o zaštiti stanovništva od zaraznih bolesti (Sl.novine FBiH br.29/05) za period od 01.01.-31.12.2022. ukupno je u Kantonu Sarajevo prijavljeno 17 slučajeva zoonoza od toga 9 slučajeva Brucelloze i 8 slučajeva Q groznice. Najviše registriranih slučajeva zoonoza je na području Hadžića po 4 slučaja Brucelloze i 4 slučaja Q groznice u uzrastu od 25-65+ godina. U ostalim općinama u Kantonu Sarajevo, izuzev općine Centar, gdje nema ni jednog prijavljenog slučaja zoonoza kod ljudi, prijavljeni su sporadični slučajevi zoonoza.

Za period od 01.01.-02.04.2023. ukupno je prijavljeno 11 slučajeva zoonoza od toga 1 Brucelloza i 10 Q groznica. Za ovaj navedeni period najviše registriranih slučajeva zoonoza je na području općine Novo Sarajevo po 3 slučaja (1 Brucelloza i 2 Q groznice) i na području Novi Grad po 3 slučaja Q groznice u uzrastu od 15-64 godina.

Od 11 registriranih zoonoza na području Kantona Sarajevo 6 su bili studenti Veterinarskog fakulteta. Jedan student je bio sa područja Tuzlanskog Kantona (o tome je obavješten Zavod za javno zdravstvo Tuzlanskog kantona). Urađeno je epidemiološko ispitivanje svakog studenta, i poduzete sve mjere koje su u nadležnosti JU Zavoda za javno zdravstvo KS i o tome su obavješteni Ministarstvo zdravstva KS, Zavod za javno zdravstvo FBiH, Kantonalna ustanova



Adresa: dr. Mustafe Pintola br.1, 71210 Ilidža
Tel/fax: 627-889; 622-227
web: <http://www.zzjzks.ba>
e-mail: gzavod@bih.net.ba



za inspeksijske poslove Sarajevo - Inspektorat sanitarne, zdravstvene i farmaceutske inspekcije i inspekcije za hranu i Federalno ministarstvo zdravstva.

Nakon zaprimljenih Prijava oboljenja – smrti od zaraznih bolesti a koje se odnose na pojavu zoonoza kod ljudi, higijensko-epidemiološka služba JU Zavod za javno zdravstvo KS obavlja radnje u svojoj nadležnosti u nadzoru nad zaraznim bolestima. Izlazi se na teren u što kraćem roku, vrši epidemiološko ispitivanje (anketiranje) oboljelog i svih njegovih članova porodice i stavlja pod nadzor, daju zdravstveno preporuke u slučaju pojave simptoma bolesti kod ostalih članova porodice i radi se protivepidemijska dezinfekcija životnog prostora kao jedna od preventivnih mjera. Iz epidemioloških ispitivanja (anketiranja) oboljelih od zoonoza na području Kantona Sarajevo, kao izvor zaraze uglavnom se navode životinje u privatnom vlasništvu ili bliski kontakti s životinjama u sklopu profesionalnog rada.

Veterinarska inspekcija također obavlja preventivne mjere u svojoj nadležnosti u cilju sprječavanja širenja zaraznih bolesti kod životinja (karantin zdravih životinja, testiranje na zoonoze i obavezna eutanazija na propisan način oboljelih životinja).

S poštovanjem,

Izradila:
dr Aida Pošković-Bairaktarević, spec.epidemiologije

Kontrolisala:
Prim dr Anisa Bajramović, spec.epidemiologije
Rukovodilac RJ za Epidemiologiju

Dostaviti:

- Naslovu;
- Arhivi RJ01



DIREKTORICA: